



UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI

RAIFFEISEN BANKA

ž.r. 161045003682073

e-mail: nnisic@spinter.net

www.starastednjabh.org

Sjedište: Banja Luka 78000

I. G. Kovačića 139b

tel. 051/380-738

fax. 051/381-374

UPRVNI ODBOR

Broj: 1567/10

Banja Luka, 29.07.2010

Fax. 0038614781357

PREDSJEDNIKU REPUBLIKE SLOVENIJE

Gospodinu DANILU TÜRK

1000 LJUBLJANA

Erjavčeva 17.

Predmet: Molba za prijem Delegacije Udruženja građana za povrat stare devizne štednje kod Ljubljanske banke u BiH, Banjaluka i Udruženja građana za zaštitu ljudskih prava "Topli dom" Sarajevo

Poštovani gospodine predsjedniče!

Obraćamo Vam se sa posebnim poštovanjem i kao Predsjedniku Republike Slovenije i kao čovjeku i istinskom demokrati i borcu za ljudska prava u regionu i Evropskoj zajednici, s molbom da lično ili putem nadležnog organa primete i saslušate našu delegaciju koja zastupa i štiti interes više od stotinu hiljada prevarenih i oštećenih vlasnika stare devizne štednje uložene kod bivše Ljubljanske banke.

Vaš prijem naše delegacije i razumijevanje opravdanih zahtjeva štediša stare devizne štednje kod bivše Ljubljanske banke u BiH, dao bi nam nadu da ćete kao Predsjednik Republike Slovenije, kao čovjek i kao uticajna ličnost u Evropskoj zajednici, pokrenuti inicijativu za povrat stare devizne štednje štedišama kod bivše Ljubljanske banke i pozitivno uticati da se povrat štednje što prije realizuje, ne kao sukcesivna nego kao vlastita sredstva štediša.

Cilj posjete naše delegacije vašoj exelenciji je dogovor o utvrđivanju efikasne strategije i modaliteta povratka stare devizne štednje uložene kod Ljubljanske banke od strane štedišama u BiH,

Aktivnosti nadležnih organa Republike Slovenije i Bosne i Hercegovine u proteklom godinama na utvrđivanju modaliteta povratka stare devizne štednje bile su pasivne, neefikasne i nekonkretne, a time i **vrlo štetne za preko stotinu hiljada prevarenih i osiromašenih štediša koji, u najvećem broju, sada, žive i umiru na rubu svoje egzistencije**, bez sredstava za život, te bi tim građanima i ovim njihovim udruženjima Vaša aktivnost u vezi efikasnog povratka stare devizne štednje dala nadu za skoro rješenje ovog problema i da ćete udovoljiti našoj molbi da Vi lično ili putem nadležnog organa Republike Slovenije, primete delegaciju pomenutih udruženja.

Sadašnji zvanični stav Republike Slovenije i zakonske manipulacije prema rješenju povratka stare devizne štednje štedišama Ljubljanske banke su pravno neutemeljeni, a aktivnosti nadležnih organa Republike Slovenije i Bosne i Hercegovine su u mirovanju

S obzirom da su sporna sredstva štednje **lična imovina građana**, štediše, odnosno ova njihova udruženja, **neće prihvatiti međudržavni dogovor Slovenije i BiH o povratku stare devizne štednje kod Ljubljanske banke putem neke vrste odgođenog plaćanja, već insistiraju na rješenju direktne isplate štednih uloga štedišama prema iznosima u štednim knjižicama Ljubljanske banke i sa odgovarajućom kamatom za proteklo vrijeme.**

Zbog sadašnjeg osporavanja povratka stare devizne štednje od strane R.Slovenije i zbog njenih neprimjerenih **manipulacija vremenom i zakonskim odredbama o Ljubljanskoj banci**, veliki broj štediša iz BiH gubi povjerenje u Republiku Sloveniju. Određen broj štediša je uložio i tužbe protiv Republike Slovenije kod Evropskog suda za ljudska prava u Strazburu i u tom cilju zatražio pomoć od nadležnih organa Evropske Unije u cilju brzog rješenja neosnovanog osporavanja prava štediša na njihova uložena novčana sredstva na štednju kod Ljubljanske banke.

S obzirom na iskazanu nespремnost Republike Slovenije da isplati staru deviznu štednju štedišama iz BiH i na namjeru štediša da protestuju blokadom svih privrednih i drugih subjekata iz Slovenije u BiH, još jednom Vam predlažemo da, radi zaštite digniteta Slovenije na međunarodnom nivou i eventualnih posljedica protesta štediša, upotrijebite svoju poziciju u državi Sloveniji i predložite prihvatljivo rješenje za tolike hiljade štediša.

Ova udruženja, kao legitimne asocijacije vlasnika stare devizne štednje su spremna da podrže odgovarajući kompromis sa Republikom Slovenijom kako bi se izbjegle komplikacije pred Evropskim sudom za ljudska prava i moguće štetne posljedice na privrednu saradnju između dvije države. Dogovor podrazumijeva i dogovor o prihvatljivom načinu direktne isplate štednje štedišama, prema stvarnim iznosima u štednim knjižicama sa kamatom za protekli period, i to putem ovlaštenih banaka ili ustanova u BiH.

Dogovorno rješavanje problema je od obostranog interesa. **Zbog toga Vas molimo da primате našu delegaciju i da inicirate aktivnost nadležnih organa u Republici Sloveniji, da u saradnji sa nadležnim organima u BiH i predstavnicima štediša ubrzaju aktivnost na rješavanju ovog gorućeg problema, i to u duhu ovog zahtjeva.** U tom slučaju, biće vam zahvalan veliki broj građana BiH za razumijevanje njihovih egzistencijalnih problema u ovom, za njih izuzetno teškom trenutku.

Uvjereni u Vaše razumjevanje problema štediša, Udruženje građana za povrat stare devizne štednje u BiH i dijaspori, Banjaluka i Udruženje građana za zaštitu ljudskih prava „Topli dom” Sarajevo, još jednom Vam izražavaju poštovanje kao Predsjedniku Republike Slovenije i kao čovjeku demokrati i zaštitniku ljudskih prava.

Ovo pismo biće upućeno Generalnom sekretaru Savjeta Evrope i predsjedniku Evropskog suda za ljudska prava u Strazburu

Za Udruženje građana za povrat
stare devizne štednje u BiH i dijaspori
predsjednik Upravnog Odbora

Svetozar Nišić



Za Udruženje građana za
zaštitu ljudskih prava „Topli dom”
predsjednik

Dr Nikola Vujnović dipl.pr